



Vschinauncha da S-chanf

7525 S-chanf



ENGADIN
St. Moritz

Da la suprastanza cumünela

Surdeda incumbenzas a la regiun Malögia

In connex cul schoglimaint dal circol es eir da regler nouv ils drets ed ils dovairs traunter las vschinaunchas e püssas instituziuns regiunelas chi vegnan surdedas a la regiun Malögia. Que as tratta da la piazza aviatica, dal trafic public, da la chüra e da l'ospidel. Our da quist motiv sun gnidas elavuredas novas cunvegns da prestaziun e statüts. La suprastanza decida unanimamaing da suottametter las cunvegns e'ls statüts a la radunanza cumünela per l'approvaziun.

Progettaziun dmura per attempos e chüra Promulins

Siand cha la dmura per attempos e la chüra Promulins nun es pü adatteda als bsögns d'hozindi scu eir in connex culla nouva dmura chi'd es planiseda a San Murrezzan es que previs d'elavurer ün proget per la dmura d'attempos e chüra Promulins. Tenor il preventiv s'amuntan ils cuosts per la progettaziun sün fr. 1'460'000.00. La part per la vschinauncha da S-chanf importa fr. 88'000.00. Zieva La suprastanza decida unanim da suottametter il credit a la radunanza cumünela, proponind da deliberer il credit bsögnaivel.

Planisaziun dal territori cumünel

Per effettuer las lavuors in connex cun la revaisa parziela da la planisaziun d'utilisaziun s'ho dumando offertas. Resguardand l'offerta la pü favuraivla decida la suprastanza unanim da surder la lavur a la firma Stauffer & Studach AG, da Cuir per l'import da fr. 33'900.00. L'import es gnieu resguardo aint il preventiv.

Revisiun ura da baselgia

Düraunt la revisiun da l'ura da baselgia es gnieu constato, cha la rouda dainteda e'l rampun sun in stedi pü nosch cu supponieu. Ils cuosts per refer las cumponentas sur manzunedas muntan sün fr. 7'750.00. Our da tel motiv deliberescha la suprastanza unanimamaing il credit bsögnaivel.

Dumandas da fabrica

La suprastanza ho concess seguaints permiss da fabrica:

- Angelini SA, müdamaint cantina in abitaziun sülla parcella nr. 127, Chauntaluf 67.
- Angelini SA, nouv tanc da benzin suotterraun sülla parcella nr. 798, Serlas.

Annunzchas da fabrica

La suprastanza ho piglio cugnuschentscha da seguaintas annunzchas da fabrica:

- Freiburger Rico, permiss per refer il parkegi sülla parcella nr. 691.
- Padrun Nuot, tevla da reclama pel Club Almatrak, sülla parcella nr. 768.

Surdeda da lavuors

Lavuors in connex cun la revaisa parziela da la planisaziun dal territori cumünel

- Stauffer & Studach AG, Cuir (offertas tenor procedura a maun liber)

S-chanf, 11.05.2017

La suprastanza cumünela